

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317144502 և 2317228963 որոշումներն անփոփոխ, իսկ վարչական բողոքն առանց բավարարման թողնելու մասին

<<08>> 11 2023թ. 7-13 11385

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Հ. Հակոբյանս, վերանայելով Դավիթ Հակոբյանի ՄԴ/90586-23 և ՄԴ/90590-23 դիմումների քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Դավիթ Հակոբյանը (**ծանուցման հասցե՝** քաղաք Երևան, Էրեբունի փողոց, 9-րդ շենք, 15-րդ բնակարան, ծանուցման էլ. հասցե՝ hdavit@mail.ru) դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 2317144502 և 2317228963 որոշումներին՝ նշելով, որ առաջին դեպքում կանգնած է եղել կարճ ժամանակահատվածով, իսկ երկրորդ դեպքում՝ տեղի է ունեցել ճանապարհատրանսպորտային պատահար, սակայն փոքր վնասի չափի պատճառով տեղում փոխհամաձայնության են եկել և երթևեկության մասնակիցներին խոչընդոտ չհանդիսանալու նպատակով կանգնել են իրավախախտումն արձանագրված վայրում:

Դիմումների քննարկման արդյունքում պարզվել է, որ վարչական ակտերը ենթակա են կատարման հետևյալ պատճառաբանությամբ.

Քաղաքացի Դավիթ Հակոբյանը Ճանապարհային ոստիկանության վարչական բողոքների քննության բաժնում գրավոր բացատրությամբ հայտնել է, որ վարչական տույժ նշանակելու մասին թիվ 2317228963 որոշմամբ արձանագրված իրավախախտումը կատարվել է 29.09.2023թ-ին, իսկ որոշումը կայացվել է 13.10.2023թ-ին, ինչի պատճառով չի պահպանվել այն տեսանյութը, որում արտացոլված կլիներ վթարի պահը: Ազատ կայանատեղիի բացակայության պատճառով հնարավորին չափ փորձել է չխոչընդոտել երթևեկության մասնակիցներին՝ ճանապարհի աջ հատվածում կանգնելով:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 80-րդ կետի համաձայն՝

տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Իրավախախտումներն ամրագրած տեսանյութերը փաստում են, որ <<NISSAN>> մակնիշի 37RC065 հաշվառման համարանիշի տրանսպորտային միջոցի վարորդը Երևան քաղաքի Տերյան - Հին Երևանցի փողոցների խաչմերուկի հատվածում 14.09.2023թ. ժամը 17:51:15-րդ վայրկյանից 17:52:22-րդ վայրկյանը՝ 67 վայրկյան տևողությամբ և Երևան քաղաքի Գր. Լուսավորիչ - Արգիշտի - Իտալիա - Բեյրութ փողոցների խաչմերուկի հատվածում 29.09.2023թ. ժամը 16:08:35-րդ վայրկյանից 16:09:37-րդ վայրկյանը՝ 62 վայրկյան տևողությամբ կանգառներ է կատարել երթևեկելի մասի երկրորդ շարքում:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր: Նույն հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Այսպիսով, դիմումատուի արարքներում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի հատկանիշները, հետևաբար վարչական տույժ նշանակելու մասին վերը նշված որոշումներն օրինական են և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317144502 և 2317228963 որոշումները թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Դավիթ Հակոբյանին:

Կատարող Կ.Ահարոնյան
Հեռ. 011544783

